



## БАРААХУДАЛДАН АВАХ ҮНИЙН САНАЛЫН УРИЛГА

### /ХАРЬЦУУЛАЛТЫН АРГААР/

Төслийн нэр: Органик Хөдөө Аж Ахуйн Түншлэл-II төсөл

Санхүүжилтийн эх үүсвэр: BMZ, ADRA Germany

Гэрээний дугаар ба нэр: Хүнсний ногооны үр ханган нийлүүлэх -03

Хүсэлтийг гаргасан огноо: 2025 оны 02 сарын 12-ны өдөр

Эрхэм Танаа:

1. “Адра” Олон улсын байгууллага (цаашид “Захиалагч” гэх) дараах нэрийн бараа бүтээгдэхүүнийг нийлүүлэх үнийн санал танай аж ахуйн нэгжээс ирүүлэхийг үүгээр хүсч байна:

#### Багц 1: Хүнсний ногооны үр ханган нийлүүлэх-03

Үнийн санал бэлтгэхэд зориулан шаардлагатай техникийн тодорхойлолт болон нийлүүлэх тоо хэмжээний талаарх мэдээллийг хавсаргав. (Хавсралт 1-ээс техникийн ерөнхий шаардлагын тодорхойлолтыг үзнэ үү)

2. Та энэхүү хүсэлтийн дагуу тухайн сонгосон үрнүүдэд саналаа ирүүлэх ёстай. Үнийн саналыг бараанд хамгийн сайн үнэлэгдсэн үнийг санал болгосон компанийд гэрээний эрх олгоно.

3. Та энэхүү тендерт оролцохыг сонирхвол дараах баримт бичгүүдийг Монгол хэл дээр цахимаар ирүүлнэ:

- Байгууллагын хүсэлт бүхий албан бичиг,
- Байгууллагын гэрчилгээ, танилцуулга,
- Үнийн саналын маягт, гарын үсэг зурж, тамгалж баталгаажуулах ба гараар бөглөхгүй болно (Хавсралт 2),
- Санал болгосон хүнсний ногооны үрийн гарал үүсэл, шинжилгээний бичиг

4. Таны саналыг хүлээн авах эцсийн хугацаа: 2025 оны 03 сарын 01-ний өдрийн 13:00 цаг байх ба [procurement@adra.org.mn](mailto:procurement@adra.org.mn) хаяг руу ирүүлнэ үү.

5. Та дээр дурдсан барааны саналыг байгууллагын эрх бүхий төлөөлөгч гарын үсэг зурж баталгаажуулна. Таны саналын маягт гарын үсэггүй тохиолдолд, саналыг тань үнэлгээнд харгалзахгүй болохыг анхаарна уу.

6. Та саналаа дараах заавар болон гэрээний маягтын дагуу ирүүлнэ. Гэрээнд хавсаргасан нийлүүлэлтийн нөхцөл шаардлага нь гэрээний салшгүй хэсэг болно.

- (i) ҮНЭ: \_\_\_\_\_ (тоогоор, үсгээр) төгрөгийн үнэ бүхий барааг нийлүүлэх болон хүргэх зардлыг багтаана. Үнийн санал ирүүлэх эцсийн хугацаанд хүчинтэй байгаа Монгол улсын нутаг дэвсгэрт мөрдөгдэж байгаа аливаа татвар, хураамж, шимтгэлийг багтаасан байна. Санал болгосон үнээс гадна, үнэлэгдсэн үнэд

Монгол улсад мөрдөж байгаа нэмэгдсэн өртгийн албан татвар (НӨАТ)-ыг тусад нь тодорхой салгаж оруулна.

- (ii) **САНАЛЫГ ҮНЭЛЭХ:** Техникийн тодорхойлолтыг (Хавсралт 1) үндсэнд нь хангаж буй саналуудын үнийг хооронд нь харьцуулах замаар үнэлнэ. Хэрэв тухайн санал нь том зөрүү агуулсан, эсвэл санал авах хүсэлтэнд заасан нөхцөл, шаардлага, тодорхойлолтын хувьд болзолт нөхцлийг шаардсан бол ийм саналыг үндсэндээ шаардлагад нийцэхгүй гэж үзэж, түүнийг цаашид үнэлгээнд харгалзахгүй. Захиалагч зөвхөн үндсэндээ шаардлагад нийцсэн саналуудыг үнэлж харьцуулна. Захиалагч саналуудыг үнэлэхдээ, тооцооллын алдааг дараах байдлаар запруулна:
- (a) тоогоор болон үгээр илэрхийлэгдсэн дүн хоорондоо зөрүүтэй бол үгээр илэрхийлэгдсэнийг зөв гэж үзэх;
  - (b) нэгж үнийг тоогоор үргүүлсэнтэй холбоотойгоор нэгж үнэ ба нийт үнийн хооронд зөрүүтэй бол нэгж үнийг баримтлах; ба
  - (c) нийлүүлэгч арифметик запруулгыг хүлээн зөвшөөрөхөөс татгалзвал, түүний саналаас татгалзана.
- (iii) **ХУДАЛДАН АВАХ ЗАХИАЛГЫН ЭРХ:** Гэрээний эрхийг хамгийн сайн үнэлгэдсэн үнийг санал болгосон, техникийн ба санхүүгийн чадварын шаардсан жишгийг хангаж байгаа ханган нийлүүлэгчид гэрээ байгуулах эрх олгоно. Гэрээ байгуулах эрх олгох мэдэгдэл нь гэрээг албан ёсоор бэлтгэж хэрэгжүүлэх хүртэл гэрээний үүргийг гүйцэтгэнэ. Шалгарсан тендерт оролцогч хавсралтанд байгаа гэрээний маяг болон нийлүүлэлтийн нөхцөл шаардлагад заасны дагуу гэрээнд гарын үсэг зурна.
- (iv) **САНАЛЫН ХҮЧИНТЭЙ ХУГАЦАА:** Таны санал энэхүү санал авах хүсэлтийн 5 дугаар заалтад дурдсаны дагуу санал хүлээн авах эцсийн хугацаанаас хойш **30** хоногийн туршид хүчинтэй байна.
- (v) Хэрэв та тендерийн хүчинтэй хугацаанд өөрийн саналаа буцааж авах ба/эсвэл гэрээний эрх олгогдсон байхад гэрээний эрхийг хүлээн зөвшөөрөхөөс татгалзвал таныг хоёр жилийн хугацаанд Адра ОУБ-ын ханган нийлүүлэгчдийн жагсаалтаас Захиалагчийн зүгээс хасах эрхтэй болохыг анхаарна уу.

## 7. Нэмэлт мэдээллийг дараах хаягаас авах боломжтой:

Харилцах албан тушаалтан: Худалдан авалтын мэргэжилтэн  
Цахим шуудан: [procurement@adra.org.mn](mailto:procurement@adra.org.mn)

8. Захиалагч санал ирүүлэх хугацаанаас хойш **30** хоногийн дотор санал нь хүлээн зөвшөөрөгдсэн тендерт оролцогчид зөвшөөрлийн цахим захидалтыг илгээж, гэрээний эрх олгосон тухай мэдэгднэ.

9. Адра ОУБ-ын авлигын эсрэг бодлогын дагуу, тендерт оролцогч худалдан авах ажиллагаа болон түүнээс үүдэн гарах гэрээний хэрэгжилтийн явцад ёс зүйн өндөр хэм хэмжээг сахина. Хэрэв гэрээний эрх авсан тендерт оролцогч эсвэл аливаа этгээд тендерт өрсөлдөх эсвэл гэрээг хэрэгжүүлэх үед авилгал, залилан мэхлэх, үгсэн хуйвалдах эсвэл дарамт шахалт үзүүлэх үйлдэлд оролцсон нь тогтоогдвол Адра ОУБ гэрээний эрх олгох саналаас татгалзаж, үүнд холбогдсон этгээдэд хориг тогтооно. Та цахим шуудангаар энэхүү хүсэлтийг авсан тухай болон үнийн санал ирүүлэх эсэхээ 2025 оны 2-р сарын 24-ний 13:00 цагийн дотор 8-р хэсэгт заасан цахим шуудангаар мэдэгднэ үү.

## НИЙЛҮҮЛЭЛТИЙН НӨХЦӨЛ БА ШААРДЛАГА

1. **Тогтолц үнэ:** Саналын маягтанд заасан үнэ нь тогтолц байх ба гэрээний хэрэгжилтийн явцад түүнд ямар нэгэн запруулга өөрчлөлт үл оруулна.

2. **Нийлүүлэх хуваарь:** Нийлүүлэлтийг дээрх хуваарийн дагуу, гэрээнд гарын үсэг зурсан өдрөөс **30** хоногийн дотор хийж дуусгана.
3. **Мөрдөх хууль:** Гэрээг захиалагчийн улсын хуулийн дагуу хэрэгжүүлнэ.
4. **Маргаан шийдвэрлэх:** Захиалагч ба нийлүүлэгч нь тэдгээрийн хооронд гэрээтэй холбогдон гарч болоа аливаа үл тохиролцол эсвэл маргааныг албан бус, шууд хэлэлцээрээр зөвшилцөн шийдэхийг хичээнэ. Захиалагч ба нийлүүлэгчийн хооронд маргаан үүссэн тохиолдолд, уг маргааныг захиалагчийн улсын арбитрын хууль дүрмийн заалтын дагуу шийдвэрлэнэ.
5. **Барааны нийлүүлэлт ба холбогдох бичиг баримт:** Нийлүүлэгч барааг нийлүүлэхдээ дараах баримтуудыг захиалагчид гаргаж өгнө:
  - (i) Нийлүүлэгчийн барааны нэр, тоо ширхэг, нэгж үнэ болон нийт үнийг заасан нэхэмжлэхийн хуулбар;
  - (ii) Үрийн шинжилгээний бичиг
  - (iii) Үрийн гарал үүслийн гэрчилгээ (шаардлагатай бол).
6. **Шалгалт туршилт:**

Монгол улсын үрийн стандартын техникийн ерөнхий шаардлага хангасан шинжилгээний бичигтэй. Генийн өөрчлөлтгүй. 2024 оноос хойш үйлдвэрлэгдсэн. Хүнсний ногооны үрийн шаардлага хангасан сав баглаа боодлой .  
Худалдагч тал гэрээний хугацаанд үрийг стандартын шаардлага хангасан зоорь, агуулахад хадгалж, худалдан авагч барааг хүлээн авах хүртэл гэмтэл, өвчлөл, хайрагдлаас сэргийлж баталгаажуулах
7. Гэрээний нөхцлийн дагуу нийлүүлсэн барааг Захиалагчид хүлээлгэн өгсөн болон Захиалагч нь зохих нэхэмжлэх болон бусад дагалдах баримт бичиг хүлээн авснаас хойш ажлын 7 хоногт төлбөрийг **100** хувь шилжүүлнэ.
8. **Гэнэтийн ба давагдашгүй хүчин зүйл:** Хэрэв гэнэтийн ба давагдашгүй хүчин зүйлийн улмаас гэрээний хүрээнд ажлын гүйцэтгэл удааширсан эсхүл гэрээний үүргийг биелүүлэх явцад аливаа алдаа гарсан тохиолдолд нийлүүлэгч тorgууль эсхүл гэрээг цуцалсан асуудлыг хариуцахгүй.  
Энэ зүйлийг тодруулах зорилгоор, “гэнэтийн ба давагдашгүй хүчин зүйл” гэдэг нь нийлүүлэгчийн хяналтаас гадуур, бөгөөд нийлүүлэгчийн алдаа эсхүл хайхрамжгүй байдлаас ангид, ба урьдчилан харах боломжгүй үйл явдлыг хэлнэ. Ийм үйл явдалд дайн, эсвэл хувьсгал, гал түймэр, үер, халдварт өвчин, хорио цээр, ба ачаа тээврийн хориг орж болох бөгөөд энэ нь нийлүүлэгчийн бие даасан чадамжийн хүрээнд түүний үйлдлээр хязгаарлагдахгүй болно.